

國朝畿輔詩傳

國朝畿輔詩傳卷二十六

長洲陶

樑鳧薌輯

天津梅成棟樹君校

王煥

煥字子千一字南區號盤麓又號紫詮寶坻人
康熙間貢生歷官浙江溫處道有憶雪樓詩二

卷

寶坻縣志子千喜博綜負意氣以貢授光祿丞
晉刑部郎每退食與朱竹垞姜西溟趙秋谷諸
公樽酒流連揚扢風雅一時有華省仙郎之目
及出守惠州政簡刑清攬風問俗又與其鄉名
宿梁藥亭陳元孝游詩境益進觀察永寧以憂
歸久之再補溫處副使潔清自矢一如守惠時
顧杜耽吟癖曰吾將恣遠遊以自快禹穴蘇臺
淮陰陽羨展齒無弗歷焉所至輒交其地之賢
國朝畿輔詩傳卷二十六

豪花晨月夕載酒揚帆時令雙鬟按拍
唱所製新樂府望者疑爲神仙中人也

毛際可序南區詩原本性情胞與民物萃數十
年之精力出入于漢魏六朝唐宋元明間而語
必已出求其一字

之慕仿不可得

朱彥尊序憶雪樓詩自漢魏六朝唐之初盛中
晚下及宋元明人體製靡所不合其用情也摯

斯溫柔敦厚

之教生焉
又曝書亭集焦山別銘圖爲王副使煥作華陽
真逸昔瘞鶴井穴乃在焦山根銘文不省誰氏
作紀年弟有千支存審覲要非唐後勒昔年會
與張弼論茲山不與浮玉伍其地僻左稀攀援
旋渦轉湍奔溜急沐日浴月驚濤翻峯坳集海
舶浪齧藏江豚銘辭泐沒露日少誰扶地戶開
大門丈人守靈威真官降趙尊若非神人護遺
蹟安可捫蘆臺王君信好事躬自荷鋤操憤禪
剝苔剔蘚竟深入先以前趾次尻臀手摸其文
無闕失一紙價已當瑤琨西江道士爲傳烏衣

秋尚帶寒潮痕惜哉轅馬且北去山游未遂
括與溫何年金石共披討疑義相析窮其源
紅豆樹館詩話子千吟嘯林麓放情山水家近
田盤而羅浮豐湖又在其所治郊垌之內其登
二山也皆搜奇剔險窮極幽杳故其田盤羅浮
紀游二卷酷似鄮道元水經注而荔支詞七絕
一卷尤爲膾炙人口其他佳句如朝游五岳雲
生屐夜度三江月入瓢人歸市冷愁藏虎畫靜
簾開好放蠅能詩易白愁中髮無酒難朱鏡裏
顏苦茗力能消夢境濁醪理可化愁城急補殘
書如療疾細普家釀當還鄉曲中易顧周公瑾
琴外難逢鍾子期憤深精衛思填海遇壅牽牛
恨隔河豚下猶羞與噲伍禪中豈屑共伶居
昔人所謂筆有餘力詞無竭源子千有焉

季南屏索和蘇詩用東坡遷居韻

坡老擅文章千古讓雄麗氣若鐵騎馳理如繭絲細弱
齡倦不釋四十嗟虛逝薄宦走風塵勞勞鮮寧憇忙裏

賦閒居聊爲消遣計憶雪築小樓就樹補荒砌羅浮在
望中嵯峨挽雙髻時然眄庭柯物理感蟬蛻冬筍剖黃
琮春盤貯丹荔靜觀恒自得俯仰空斯世素友共清言
真人擬天際苦我和蘇詩自慚等蚊蚋

寄生

南海有蟹屬負螺殼行泥塗中飲食動息不須
臾離間遇他殼或遷入而棄其故好事者以金
銀作綴殼誘人養之可二三年不死土人呼爲
寄生噫物性不齊理莫能測大率如世人之多
累而不善遣其累也

造物亦何心賦形靡不有齊諧非怪奇禹鼎遺鑄鏤山
海產異類至人莫能考叶胎卵溼化生率各從妬偶鼠

穴迓鳥居鵲巢爲鳩受蚋蚊及椒圖非龍狀蚘繆嶺表
多所見一一費參剖有物類蚺蚺恒戴螺殼走人呼爲
寄生因其等質儼才不曳泥塗僕僕覓糧糗有覩輒斂
縮似欲掩其醜豈曰避風雨此身本無垢或欲貽子孫
族類詎能守胡爲軀殼外復令有重負丈夫貴出世豈
堪老戶牖嗟彼世間人苦爲俗所狙碌碌求田舍勞勞
徒白首富比石與何金玉爲枷杵壯士執戈矛終朝環
甲冑形未圖麒麟骨已同枯朽求名蝸角虛計利蠅頭
厚何似烟波中麋鹿魚蝦友身世兩相忘憂樂不挂口
閒吟風月詩但醉尊罍酒更尋武夷曲吸露餐霞叟遺

蛟還太虛此理君知否

魚缸歌

魚缸前代御府酒器也與雞缸並稱然雞缸繪於外雖極精工未能免俗魚缸繪於內酒光蕩漾魚影浮沈殊有活趣辛酉歲家學錄近天以十二缸見貽云渠祖中翰公得自中貴旋爲知者索去其十僅留二以誌贈者之愛前春過豫章見市中所售頗彷彿但火氣尙在不及舊數溫潤耳因盡收之仲秋寓羊城同人過訪出此勸飲咸作詩歌賞之余亦率成一篇述其所自吾宗舍人最博古搜討平生徧寰宇傾家不惜購珍奇千金揮擲同毛羽夏鼎商彝滿几筵翡翠硃砂出土鮮秦漢玉精留血沁晉唐墨妙展雲烟更因愛飲情瀟灑尊罍杯斝都精雅交錯成宣哥定窑非復尋常饒郡瓦

余丞光祿官最閒邸舍咫尺時追歡貽我小瓷缸十二
道是先朝御府頒潔如白雪輕于紙朱魚四尾浮游起
鼓鳧旋鱗儼若生淺斟滿酌漣漪比重篋封題近十年
今朝賞識出君前古來尤物亦難遣盡醉寧愁竭酒泉

題李夫人小照

夫人姓姚名淑字仲
淑別號鍾山秀才

漢書八表著未齊誰能續之曹氏妻周官之學絕已久
誰能通之韋氏母閨閣文章古所難况當兵燹流離間
父書能讀孤有立嬰杵之義堪同觀研齋太史負奇氣
放浪天涯若萍寄獨有鍾山姚秀才嶺海江湘隨所至
蓋棺事定殯未歸三尺之孤孱且饑題書染翰易薪米

千株萬葉烟雲霏手寫遺文二十卷名山可藏傳定遠
麥舟相助豈無人返葬西川未云晚我於圖畫見其真
一姬研墨何辛勤握筆凝神咏匪石桃花柳絮非其倫
吁嗟太史當末運受知一日能致身之死靡他亦其類
食報乃在閩中人我爲題之期不泯

再上飛雲頂用東坡韻

久識吾生亦有涯武夷九曲多仙家恨不早從海瓊子
凌虛並駕青螭車昨日峯頭振衣袂雲中紫景穿林斜
同來老僧妙禪理南屏季子亦復佳紀游詩和大蘇韻
界兀排宕爭光華怪余生平拙文采入山筆亦能生花

高寒向暮尙留逗衲衣鶴擎人爭加俯看四百三十二
峯峯變態俱堪誇雲竇靈虬不知歲珊瑚珠結高义極
琪花瑤草粲青紫金砂玉屑飛晴霞繽紛雨花散天籟
鼓吹聾耳憎池蛙曾聞洞蝶大於鳳白雲如絮迷山窪
徘徊顧戀復誰問翻疑來路今番差回首京華十年事
猶憐面目餘塵沙掃苔磨壁留長句烟蘿掩映如籠紗
放歌聊自寫胸臆字句那得無疵瑕勝游自古信不易
蘭亭今昔興咨嗟更向峯頭建飛閣後此風雨聊爲遮
世人盡恨仙源隔崑崙自近心偏遐歸來華首樓頭坐
松梢陣陣飛神鴉

贈別陳處士

處士名恭尹字元孝
別號獨漉子順德人

憶自己已登君堂驚看七尺形昂藏雙眸爛爛若巖電
朱顏綠髮髯微蒼手揮玉塵論娓娓令我心折神飛揚
從此訂交日無間芝蘭臭味同芳香郡齋枉駕倒筐庋
珠江乘興移沙棠羅浮絕頂看海日豐鯉幽處攜壺觴
石橋藤簟月清皎江樓茗椀風蒼涼有時深談燈屢施
瞳矐戶牖升晨光吾宗仲宣爲至友相依沒齒忘還鄉
季子苦吟年最少通眉長爪尤清狂謂礪應兄
季偉功也桑梓二
三老名士才華齒德無低昂謂藥亭山
帶諸君也因君獲交並知
契晦明風雨時相將登臨勝賞極奇險詩歌贈答諧宮

商積久不覺遂成帙簸揚寧復羞糝糠諸兒材質隗頭
劣頻年奔走成膏粱賴君通家敦世好善教咸許歸門
牆達才答問勝私淑誘掖獎勸誠無方比來風波起意
外青蠅貝錦紛乖張量移一載尙留滯進退跼蹐同羝
羊我思古人心有獲椒辛膽苦俱親嘗惟君古情頻慰
藉往還豈避人猜防要言不煩比金石欲我柔克毋徒
剛病中伏枕首再拜書紳恐失銘肝腸古人締交貴終
始世俗情態良堪傷翻雲覆雨等閒事當前推許旋雌
黃素心直道笑迂腐輕儇佻達誇當行先生一切付渾
默萬斛容載須汪洋往余少時最豪誕燕趙餘習多鋒

銚父師明訓自鍼砭矢當弦上猶難降自奉教言近七
載苦口之藥功誠良縱然倔强未繞指漸能百鍊鎔其
鋼茲當西行入巴蜀襆被幾日催行裝旣嗟豚犬失師
範身違良友尤徬徨寓齋咫尺日相過寧論寒暑身閒
忙微言片語奉琪璧宏篇傑構羅珪璋秦章漢隸逼李
蔡草書行楷追鍾王瑣屑索書曾未厭箚篋璀璨盈琳
瑯客途有此壯行色誰云薄宦無私囊吁嗟人生多聚
散晨星萍水洵難量平居舊雨半凋落哀笛近復聞山
陽季唯功陳元數數驢鳴弔客共相效碎琴聊復同登
牀如君心知更無幾相看鬢髮添冰霜後此晤期邈難

定臨岐握手情
茫茫那堪風颿催遠別
九疑蒼翠紆衡
湘瞿塘灩澦雪濤壯巴陵
三峽猿聲長殊方風土飽遊
歷夜郎境遠趨踉蹌
讀君詩歌對圖畫
蕭蕭風雨生篷窗
吳孝廉山帶作瀟湘三峽圖諸同人各題長歌贈行
知君此時亦相憶
兩地月照空齋
梁懷人好句各留草
春鴻秋雁能高翔
錦江雙魚非鐵鑄
定教鼓鬣穿濤瀾

淫雨連月座客戲吟天醉吐淋漓句因續成之
一雨六十日杞人憂不支日差迷混沌天醉吐淋漓
銜火燭龍睡然犀水怪窺叫閭徒有意誰爲戮雲師

送朱竹垞編修還秀水

四載青門別南來慰夢思如何相見日卽是送行時春
樹詩重咏旗亭酒莫持五湖烟月好終擬其心期

一代才難並千秋事可知望猶南斗重志豈北山移自

著潛夫論人傳幼婦詞私心欣有託傾倒及佳兒

時初晤長

君文益

題李生寒林釀雪圖

曉霧濃於潑寒林瘦欲枯人家在何處山徑轉模翎雪
意望中作風聲聽去無匠心窺造化呵凍寫斯圖

歲除雜感

嶺海春三見忽忽又一年朱顏隨鏡改青眼共山憐瘴

竊寒差減風濤久漸便登臨感時序直似挂帆船

京國八千里鄉書三兩封老親能善飯更道懶扶筇夏
麥收嫌薄秋蝗災苦重今冬勝昨歲但喜息邊烽

弟妹三春隔兒孫兩地留遙聞解人事近覺慰吾憂耆
舊傷凋謝長安憶昔游年年當此日的的畏登樓

去歲羅浮路梅花雪裏看共言南越暖翻似朔方寒濡
筆呵朝凍傾樽醉夜闌同游念存歿觸景恨漫漫

世事浮雲過何曾累太空肯因隍失鹿更惑壁懸弓愛
飲原非達能詩信待窮明年明日事總已付天公

夜登東江亭次張超然壁間韻

夜叩雲間寺深扃月下門亭空生靜籟泉響落真源蒼
狗來天末烏龍卧石根此心無動定安用辨風旛

三水舟次喜晤鄧澹園

有客經年別茅堂近硯溪擬乘漁艇去直訪鹿門西茂
草應迷徑幽花定滿堤只愁人到晚雞犬夜驚啼
出峽分三水乘風到一帆故人垂白髮偃蹇著青衫書
卷兒能讀蒿萊手自芟久占肥遯義何事出巉巖

偶成

知己從來世所難閒評往事發長歎老成盡瘁圖全勝
年少空勞策治安賴士有奴甘撲詈買臣無婦共饑寒

鍾俞董蔡應消歇獨惜琴山漢史殘

寄懷趙中允秋谷

異地相思萬里長感時幾見嶺梅香
醉中惜別情如渴夢裏曾逢喜欲狂
音問舊歡常寂寂頭顱新恨變蒼蒼
憶君讀我盤山記許贈長歌尙未償

非意知君自不驚屈伸天意互虧盈
龍門腐後史方著新建謫前功已成
舉世最難容傲骨半生未易謝狂名
青州從事真良友百歲惟應共此盟

瘴癘相親久漸宜荔支日啖亦忘飢
崑山已隔朝雲夢巫峽空留暮雨期
漫笑登徒非好色須知居易愛談詩

天涯聊自謀消遣豈更因人畏謗譏

平生屈指誰知已死別生離倍惘然子建洛神徒有賦

青蓮鵬鳥失遺篇

友人曹賓及李木初俱有學行而早逝

如君羣望應名

世顧我私心願執鞭不惜崎嶇邁命駕還應到及荔支
前

送徐孝廉仲宣還毘陵

黃金臺畔初相識器宇驚看各不羣雨寺買花春正暖
風簾刻燭夜常分八年一別思千縷萬里重逢酒半醺
屈指到家過九日霜楓歸路落紛紛

留別同官陳元敷

七載流光轉瞬過誰能文誼重山河醇醪易醉惟公瑾
苦藥難忘是華佗道直自嫌爲計拙時艱深愧受知多
但留一劍隨身在繞指雖柔銳不磨

上巳後三日作

十日春陰一日晴更無深巷賣花聲半醒宿酒臨風坐
獨把殘書背日行忽報親朋攜臥具旋呼僮僕洗茶鐺
珠江燈火波濤路爛漫隨人作送迎

送徐竹田歸平湖

晚近論交誰復真二年意氣獨相親宦情我類羈籠鶴
野性君同縱壑鱗瘡癘久經難更駐風波初定敢重陳

平湖烟水蒼茫處他日扁舟擬卜鄰

自端州返棹珠江喜遇周東來

一棹衝波日往還故人忽到破愁顏相看各訝髭鬚改
話久因嗟世路艱撲面風塵知近海漫天嵐起欲埋山
無饑切莫加餐飯瘴癘從來重百蠻

挽陶處士

處士名璜字
苦子番禺人

古人生恨不同時何意同時却路歧
扇上有詩傳姓字燈前無夢接光儀
瑤琴欲碎維舟石寶劍誰懸傍墓枝
我自知君無復憾君寧知我不勝悲

杜其旋

其旋字考之號雪隱靜海人諸生有咏雲璈詩
集

朱崙傳雪隱守致虛公家學善屬文爲同里高
岱輿先生所稱浮沈諸生間意不自得築小屋
三楹雜植花竹槐棗數株一琴一簫酒卮茶籠
閉戶哦詩臨終語諸子曰殯我中庭花竹間每
夕以薄酒奠我古琴一古陶壺

一葬以爲殉引鏡自照而歿
韓奕序公優於德行不爲世用退而肆意於鶯
花棋酒間故其爲詩也和平澹遠之中寄託感
慨雖未能嗣音則實而格律神髓擬諸李從一
儔差相仿佛公中子蔚遊吾門因得晤公於家
具大儒
氣象

夏日詠懷

野草綠萋萋閒中一杖藜泉飛疑海近雲擁覺天低此

日傷饑僅何年罷鼓鼙桃源無覓處夢入武陵溪

閑居

閑居宜嘯臥何日不三餘竹雨滴心碎松風入夢疎
思元亮酒病廢鄴侯書晚眺平沙外閒雲覆草廬

早起

鶴唳空庭自覺清依稀遠寺遞鐘聲看來世態金能語
說到人情劍欲鳴徧地風烟吹鬢溼一天霜雪上衣輕
此時別有關心事惆悵中原未罷兵

張鎮獄

鎮獄字松高邯鄲人諸生

邯鄲縣志松高弱歲能文下筆如兔起鶻落奇
氣勃勃從十指間出爲諸生試必奪前茅鍾陵
太史熊伯龍督學畿南最所咨賞然縱酒不
羈自是不就試著作甚多存者什一二耳

郭冷友旭菴落成

四壁環蒼岫孤菴擁白雲窗蕉龜甕影徑石砌冰紋茶
煮松頭雪香燒架上芸日高仙夢足拂案理南薰

黃謙

謙字六吉號麓磧別號抑菴天津人諸生有歷
下吟太行行草

天津府志六吉性曠達嗜詩居恒以少陵集自
隨遊篋所至輒滿與張念藝淫梁崇此洪僧世
高結草堂社咸推主盟平生篤於友誼廣文張
爾燕之四川名山縣任送之滄州不忍別竟偕

往蜀家人不知也張石松哲父某罹事於晉不
得歸數千里往脫之著有桃源日記收卷詩若
卷十

雨宿平原

風雨平原道泥深沒馬蹄層雲迷泰岱新潦漲前溪望
樹人投宿謀殮主割雞旗亭雙妙妓一唱白銅鞮

酌突泉

名泉傳歷下王屋發源來迂極濤翻怒渟深浪突開逆
飛天上雨橫捲地中雷何日滌塵慮簞瓢坐碧苔

過王秋史七十二泉草堂

七十二泉上王郎結草堂開窗空翠溼到枕菱荷香山

水客秋史文章老異鄉西湖元舊宅風雨可相忘

秋日遊大明湖

歷城十日住今始到荷鄉小權分萍浪高臺俯柳塘南
山丹嶂合北渚綠雲涼卜日還重過開樽醉夕陽

定州

曉角吹天白中山古戰場將臺空燕壘滄水落魚梁官
道寒催柳嚴城曉閉霜逢人無限意不敢問行藏

入山

不厭西行路嶙嶙疊疊來山嵐朝作雨石骨冷生苔驢
背披裘客登高作賦才遙聞香雪發何處老梅開

阮疇生先生祝髮歷下秋來遇于小菴話舊談詩
娓娓不倦和韻志感

相逢君已入空門猶把殘詩細細論七子才名今莫續
三唐風雅久無存濯纓湖上秋千頃釣突泉邊雨一村
偶倚楞嚴臨月讀炎方恐有未招魂

深巖老鶴上方幽何日誅茅共素修少室寒蟄依古佛
空山落木響高秋新詩好勒三生石往事期歸大願舟
去國離家天莫問等閒撒手信浮漚

曲里店和建昌女郎題壁韻者頗多成子采鴻寫
意甚正因次韻

故鄉萬里夢難還
姓氏潛從店壁傳
馬上殘詩吟不得
年年風雨怨啼鵑

離亂何須問阿嬌
紅顏旣賦福難消
憐才誰贖文姬去
起把盟囑墓土澆

王師旦

師旦字淑萃寶坻人康熙間貢生官容城縣訓

導有淑萃詩集

寶坻縣志師旦父國賓字元洲會稽人爲寶坻
教諭師旦幼隨任遂家焉五歲通孝經旣而學
文受詩于諸名宿證性理于李光四先生業日
益進學使熊鍾陵先生有國士之目官容城時
葺學宮備祭器爲先儒靜修劉氏立後輯文廟
備考一書在任十六年士多化之學者稱曰盤

峰先生盤峰爲李光四先生棲隱處高山仰止
可以知其所得力矣著斯文纂南華注凡數十
卷

古中盤次黃中父先生韻

嵯峨巖嶂幾千重緩步逍遙細路通石傍梵宮蹲虎豹
泉飛仙掌漑芙蓉深秋覽勝宜樽酒古洞搜奇仗竹筇
日暮且投蘭若宿詰朝同上自然峰

易水弔荆卿

壯士明知不復還何勞相送白衣冠椎先博浪秦皇懾
歌振酸風易水寒漫笑無謀同聶政終持烈士報燕丹
高吟思和漸離筑落葉蕭蕭路渺漫

龍震

震字文雷號東溟天津人有玉紅草堂集十六

卷

陳儀傳東溟至性過人而窮於所遇發而爲詩
音悲詞婉刺冷指微溫柔而敦厚纏綿而悽惻
庶幾乎屈
子之遺
紅豆樹館詩話玉紅草堂集詩多至數千首中
五平五仄體一篇蓋仿何大復寒風吹空林落
日照古氣
之作也

長歎

烈火燒頑石可碎不可爛利刃斫流泉可激不可斷先
王立禮法勉強防人亂人性本不同善惡日相判刀鋸

國朝詩集卷之二十一
猶不畏史冊何足憚歷代生聖賢艱難一長歎

王野鶴道士新聞小園

閒閒十畝間道士有所慕盡除芳草根獨留蒼松樹
閒畦引流泉往來親指顧欲種東陵瓜不棲南山霧
野老荷鋤至相逢道平素身貧當任勞非爲圖生聚
行且移琴書誅茅此中住小結黃蝶菴曲通白鶴路
茫茫滄海波相去只數步豈怕春雨稀但恐秋濤怒
語罷夕陽下風鷗亂古渡隔岸桃李圍紅燈樓上露

春日山行

山山改寒色遠近綠雲長去年深雪中曾爲梅花往梅

花落已盡春光媚林莽不倦看花情千崖攀躋上香風
帶雨來鳥聲亂泉響心悅耳目勞一步一俯仰人間芳
草路車馬日擾攘王孫惜春光可作山中想

五平五仄體

深深荒山中小草閑裏幽人何貪眠見客不肯起猿
啼孤峯雲鹿飲古澗水踟躕秋風寒滿地落柏子

黃山道中

亂石疊危路層嵐列翠屏雲林照水白麥壠夾山青雞
犬無聲息人烟在杳冥溪花好顏色隨處自飄零

遊盤山

鬼斧神工妙翦裁盤盤有路是誰開空傳漢室田疇宅
但見唐家李靖臺龍蟄五盆溝浪黑猿亾雙洞樹聲哀
漸教塵影消靈氣後世應無隱者來

和留臺尖壁上韻

欲向留臺結草堂偷閒高望水雲鄉讀書敢讓劉文靖
辟穀猶慙張子房松菊有心存晚節山河無計補洪荒
蒼茫落日悲風動更比朝來爽氣涼

讀漢書作

踞牀只解罵儒生逃出鴻門事竟成呂后幾移劉氏祚
太公拚作楚人羹斬蛇天子傳奇蹟屠狗將軍擅大名

四百餘年觀治亂老瞞新莽最分明

飲酒

有酒何愁夜寂寥春燈影裏聽吹簫任他樓外梨花月
去照揚州廿四橋

故園

故園常整舊茅簷三徑全荒我不嫌自種葡萄供釀酒
看花重捲水晶簾

過黃龍庵訪天目和尚因和朱竹垞前遊韻贈之
愛爾才如謝惠連相思常在夢中縣十年住破西山寺
吸盡西山幾處泉

晴露分香溼曉霞翠雲深處鬪繁華誰知世上清貧客
也愛山中富貴花

佛庵七十二燈紅遠近鐘魚聲不同聽到無聲山月出
淒涼暗照古王宮

少文畫壁成何用我到山中纔臥遊萬壑松風吹靜夜
吟聲飛出遠公樓

胡惟一

惟一字貞生慶雲人貢生有藥餘草

石佛寺

百寶光明照水濱法輪東轉說前因曹溪自有諸天路

塵劫仍逢不壞身精聚龍華荒歲月錫飛鶴麓喜嶙峋
而今可有王居士我欲蒲團一問津

李 鏐

鏐字天民任邱人經垓子貢生官正定府訓導
有重積堂集

任邱縣志先生分訓正定學諸生常怒太守欲
笞之公庭先生諷知走抹固爭以爲生誠有罪
宜發明倫堂否則一紙申詳聽公所爲不然並
某禡去固所願也太守意奪因改容謝時稱交
得焉後以憂
去官不復出

在平早發

孤城新霽後殘月蘸危樓曉露侵衣溼山泉帶雨流人

家燈闕曙村舍酒宜秋何事騎驢客棲棲去未休

寄懷龐雪崖

吾愛龐工部官閒一樂真廉錢常寄弟俸米足供親守
拙甘時論輸情照古人斯須門外立良會每重申

和高邑辛糧令玉寺中度歲

欲答涓埃竟未能也知得熟不於冰怪來詩思清於水
風裏同官雪裏僧

東園雜感

東園一半盡蒿萊文杏天桃尚白開賸得白頭兄弟在
愛閒鎮日去還來

二百年來舊海棠孤根鐵幹未全戕春來幾朶微笑
頗似徐妃半面妝

記得髫年上學時林檎初發最繁枝文官果後蕭蕭竹
榮露齋中侍謝師

號兌生

五世遺棲此尙存畿南文獻舊清門千秋王謝烏衣巷
今日何人是子孫

梁 洪

洪字崇此號芟梁天津人諸生

春日送胡致中遊盤山兼寄青溝和尙

天津華屋棟棟連走馬鬪雞多少年紛紛顏色爭相向

中有一士性獨偏春來忽發遊山想買車折簡招吾黨
昨日出門別所知筍皮笠子青藜杖驅車春田戴勝鳴
再三問我山中程君去看花花正明烟溼芳草輪無聲
山中有僧眉覆面亂峯深處應相見此僧若問滄浪人
海上春寒尙飛霰

帆齋與笨山夜坐

海天一片月此夕得相親石影瘦於我竹梢高過人世
情雲去住道意水漣淪清賞各無語蕭然花外身

天成寺

環寺山如笏參天塔似峯上盤從此入高衲未曾逢積

翠烟中薄空香雨後濃還期登絕頂努力一支筇

楊大年

大年名允長以字行荊州人布衣有蘅香草

寶坻縣志大年漁陽詩人遨遊山水間情往興來若茫欲絕爲一時名流所咨賞朱秀水曰下舊聞王新城古歡錄往往採之

謝王子題蘅香草

雁影參差書遠空關情身世逐飛蓬送春月路逢知己
憶夢泉臺泣曉風贈我青箱虛有待感君白雪和皆窮
相思縹緲情何極萬疊烟霞蘅水東

稽爽

爽字西山號澄嵐鹽山人諸生有南村草

用村雜詩

薄田百餘畝茅屋三四椽去去不復顧遊屐從所遷屢
上賈生策帝閣遠若天荏苒五十載霜雪盈我顛太
息返故廬衡宇已非前族黨喜相過大半皆少年相對
不相識話舊各茫然人生重經濟豈遂就高眠奈此驚
駘質進退總迫遽悔不早秉耒力耕原上田

東風吹未已青青柳向榮時攜雙黃柑聽此林間鶯村
酒雖淡薄多飲醉亦成偃臥恣所觀海雲時縱橫僕僕
風塵土薄暮尚遄征

凌晨驅犂牛就食向南谷牛飽我已饑還歸啜糜粥
罷就枕眠心閒睡亦熟覺來茗一盃重取離騷讀

秋杪寄及門趙鶴齋炯

一自居南村遂與故人別每因念舊遊使我心如結遙
遙候雁飛唧唧寒蛩咽秋懷益淒惻况過菊花節葭水
隔伊人清吟霏白雪寒裳欲從之病久足已蹙落葉滿
柴門窮巷無車轍草草百年身咄咄三寸舌盱目望停
雲幽情不可說

答張笨山

平生詩酒興入眼幾能兼對影盃盃邀月裁歌響振檐古

人思太白今日見文潛酬唱無塵蹟粗疎我自嫌

夜

寂寥坐聽短長更肝膽從前悔浪傾露下草香蛩共語
牀頭金盡劍空橫歲華自逐流雲度皓月猶隨老眼明
裳製芰荷遲未就隔鄰已送搗衣聲

沈起麟

起麟號苑遊天津人有誦芬堂詩

津門詩鈔苑遊詩恬
退和平有靖節風

康園水亭卽事

此中饒鼓吹耳畔雜鳴蛙闌徑通流水編籬護野花嫩

荷經雨漲疏柳趁風斜
倘遂棲遲志衡門自可家

夏日張藝史招集荷亭話舊

雨窗知與_山編俱晴日移樽到水隅
翦燭吟成新句否聯牀話及舊交無
藕花溪畔舟輕渡豆葉村邊酒任呼
何日得歸江口望風前攜客醉錢湖

送馬伯槐歸越

頻年寄蹟在津涯每值秋風便憶家
酒熟鄉關尊可摘詩吟客舍月初斜
篷窗夜聽錢江雨山徑行看禹穴花
此去恰當離菊綻相邀村老話桑麻

咏盤山蒲團石

此石名蒲圃時有老僧過閱歷幾滄桑阿誰能坐破

李觀曾

觀曾字泰巖號竹逸景州人候選中書

馮金伯國朝畫識竹逸老人赴選北上抵任
邱心勳返則王太恭人疾方作自是無四方志
工翰墨書畫皆宗米氏晚年構一堂顏曰墨霞自記以詩和者甚衆

題墨霞堂

老來潑墨氣淋漓爲愛南宮七字詩一抹斜陽孤鶩裏
草堂初署墨霞時

葵園

葵園號蘭風天津人有閒閒齋集

津門詩鈔蘭風居直沽南以閒閒署其齋日事
吟咏句如竹窗聽雨留僧話荷院敲棋看鶴行
菊荒雨院蒼苔老松冷雲門白石空石徑花深
藏白鶴柳塘烟暖織黃鸝雲從山暗疑無路溪
繞花明別有村竹侵名酒盃浮綠花如醉顏而
映紅風霜道路一千里烟雨樓臺十二層皆有
致風

舟次漢口

漢水孤舟萬里征一江風月不勝情詩吟鄉國腸應斷
身在波濤夢亦驚蠻語喧闐驚夕市笛聲淒寂度山城
獨憐汀畔閒鷗鷺來往忘機泛泛輕

國朝畿輔詩傳卷二十六

終

國朝畿輔詩傳卷二十七

長洲陶 樸 梟薌輯 江都汪喜孫孟慈校

成文昭

文昭字周卜號過邨又號鈍農大名人克鞏曾
孫侯補主事有暮觴詩集五卷二集三卷

大名縣志周卜生長貴盛纖瘦類山澤癯嗜好
殊俗偶攜所著詩走京師一時東南譽益咸納

交恐後以主事註籍銓曹

未及官而卒年三十七
朱書序邇來數十年詩新城王尙書稱首德州
田侍郎抗行其間二家之論不同田主才識王
主氣韻海內學爲詩者出二公之門爲多周卜
秉河北沈雄之氣又嘗與田公游故其詩不屑
爲啾噉柔媚學兒女子態以娛悅當世之耳
目而音諧節協固其性有之非強而然也

吳寶崖序吾友成子過村自少攻苦力學無纖毫紕繆習氣其賦質文弱旣不類北人而發爲聲詩復盡屏燕趙之纖豪一歸和平雅雋余嘗聞載輔詩學有明已來如淸縣王世昌葉城石季方及廣平申逸盟諸家皆詩人之表表者要其元元本本有典有則未有或先我過村者也紅豆楊館詩話周卜系出相門世其家學嘗問詩法于德州田山蕚侍郢又與顧飲君繆相正諸公往來酬唱所作古體勝于近體大致以韓蘇爲宗開闢變化自成一家案古夫于亭雜錄載門人大名成文昭以朱藥木南唐書見寄則周卜亦嘗受業新城然其詩清刻澗瘦絕無儀形飾貌依傍門戶之習亦未始非豪傑之士也

晏起

雨後天氣佳夢回失春曉起起復欹枕靜意入幽眴睎
髮忘巾櫛修廊百迴繞婉變城西山弄晴呈窈窕隔江

送青來一變一態好偃仰與孤往游泳愜懷抱有時命
琴樽軒楹淨灑掃以此悅性靈永言謝煩燥

同友人過泐潭寺遇雨

委巷穿曲塘里許入平衍烟中粥鼓動殷殷甦塵倦振
杖一游目殊異在城縣寧知屐齒勞取次叩禪院幽梵
空界深古燈青紺殿雨意四天低暝色一時亂迸階土
氣涼花香逗一線飏蕩風態饒格磔鳥舌變已足愜孤
賞况復從羣彦生衣濺春泥歸路有餘戀

賈太傅故宅

瓦屋抱土垣門響白楊樹晉井沒蒿萊殘碑歆石路落

徧野棠花子規啼不住

晚春侍家大人招同黃小重過鶴言劉書根遊嶽

麓和鶴言韻

入望麓翠濃江烟一綫隔兩漿破春波挈伴曳游舄白
雲鳥相深叩關訪名釋杖履自蕭閒龕廬絕華飾經幢
靜鳥背齋鉢曬香積斜陽沈疎鐘投憩遠公宅松濤上
襟流嵐氣入軒碧峭巖新月升雨洗晚春夕惠休雅能
詩况不避酒客茶烟媚禪心竹影繪空壁冷然叢薄間
一道泉聲白掠衣坐莓苔飛觴罄酒炙四座寂無言松
風上茵席澗風過耳根夜迴逼境僻捫磴一回首茲游

已成昔千古此冰輪常照岫巘石

述懷四十韻贈陳東村

瑟瑟秋氣振幽幽客懷恒盆菊藥尙苞簷溜滴乍歇枕
書頭卸巾踏被聊辭載寒雀啁蓬門佳客到陋室排登
百尺樓直闖三層閣知名豈今茲快晤話疇昔耕硯蹈
邱園漁書卧林樾肝膽許屠沽膏肓乃泉石醉未脫醉
鄉狂已出狂國四顧但庸庸一編自矻矻大言天下要
小補宇宙闕俗累鎖縈牽生計多隕越妻憂厨不爨僕
訴馬嘶齟齬聲互尊沓鬼伎逼哭兀學忙踏槐花放閒
逐楓葉濩落亦其宜瑁璫何足咄涼雨阻長安金風入

短髮親故各酸辛與隸爲羞澀逝言避囂雜于役歎偏
从雪壓白門船雁唳洞庭月盛糟冰雪腸支離偏強骨
三吳蹇淹留重湖過超忽牢騷阮籍窮淒切相如渴燈
耿壁蟲幽風激窗繒裂五更屋角雞三尺牀頭鐵十年
皆鑄錯一旦空更瑟赧瘦羞鏡明忍寒看筆秃徘徊沉
湘旁躑躅蘭茝側弔古事裴懷澆塊憤填臆傷心楚澤
吟痛哭漢庭策地以怨臣傳天爲愁人設感君氣倍真
信君腸倍熱君能鑒我愚君當恕我率我于君首低君
竟我心折相憐骯髒人同是落魄客不聞說項斯競欲
殺李白何當大笑謔底用長太息身且遭世束氣豈因

俗龔堆胸五岳起吐口層冰釋濁醪傾瓦盆淋漓酒腸
涇

寄子白百韻倣香山體

泠泠秋日雨泥滑街不乾嗒焉扃戶坐出門一步難老
屋裏江風敗簾吹成團四壁起繁礎一庭瘖暮蟬天末
懷伊人作詩聊破眠子生驚鈍資環堵常蕭然緬昔乙
亥冬病痼難數前屏跡來山居畏人逃俗緣黎陽古名
邑山水秀且妍大伾硯左峙衛水濳右環更有一峰好
嬌嫋而蜿蜒像形曰浮邱城郭俯其巔雄拔王威寧秀
挺虛次梗爲文章事業播在天壤間高人去千載山靈

含辛酸荒蕪絕人跡感舊涕泗潛屋瓦壓墮樵櫨楹風
雨穿頽壁掛蛛絲犂确雜枯菅聾聵一畦丁痰喘腰跼
蹢指說當廳枕相公手植焉景仰先德存祗徇發長歎
盛衰潮今昔浮雲隨變遷頗聞張平子投閒適歸田倒
屣接故人握手而言歡言念及門戶咨嗟語纏絲記始
構此居癸卯歲秋寒少傅曾大父子告投簪還頤養賦
遂初恩賜買山錢眷戀此山麓於焉樂靜便亂石疊
牆低枳棘編籬蟠百株皴裂柏千箇青琅玕歸雲閣東
畔玉照亭南偏偃仰二老杏澄泓一水灣桐陰壓簾靜
草色上砌繁窗牖極開拓廊複相鉤連措置皆古朴絕

不事獲刀拾級漸西北周巾護以欄屣屣得一堂疎豁
天何寬朝挹嵐氣爽暮對翠屏間部曲領烟霞風月歸
平泉杜門絕塵囂著書年復年北地米太史紫繪作圖
盡傳一時名公輩題咏幾百篇於時予未生睹記或未
全臘風雪如掌圍爐話惓惓酒盡叫童沽燭盡呼再然
有時君過我探幽劇盤桓瓦鉢松麈尾竹杖鹿皮冠一
觴復一觴芒屨代輿篋有時我過君敲門夜半天呼君
起夢中各笑襦不褰與人作話柄張癡與成頑君風嗜
吟咏爲句皆雅嫻得意在古調漢魏相提攀又夙善書
法精理特入口楷法鄙歐虞行草嗤蘇顏不屑到米狂

常諱稱張顛但爲知音者一日書盈千貴耀以勢臨一
畫典已竣排當二髡童尺幅撐以拳淋漓驚四座磅礴
生雲烟迅掃紙百拙亟磨墨百丸君於古篆法精緊深
究研闢微出傑論辯駁非一端斯豈死千載蟠扁訛相
沿不知重道勁但知取纖嫗譬如美婦人美豈在釵鈿
親君見妙技寓內大奇觀刀落儼繁舞撇掇比鷹鷂常
驅馳途路仰臥車中鐫文彭何雪漁齟齬難比肩君夙
擅岐黃妙悟得真詮疔羸垂斃人立活如奔獲薪傳傳
青主心血苦盡殫君才故磊落君意亦騰騫酒酣耳熱
時脫帽舞當筵慷慨輒語我葛城作冷官鉛槧那束縛

估畢不拘牽大開嬰相圖奢侈昔藉盤有時飲生徒豪
唱羣嘲謔一醉常累日酒逋徧市廛縣官不解事致辭
頻來前撼呼半晌醒踉蹌睜目挺奮臂一咤叱撲跌口
流涎俗物亟走避無取汗老拳睥睨一世人士載雄寒
羶詫我膏粱子裘馬恥翩翩行身慣作達騰踔純袴班
歌洽兩月留殷勤精粥饘忽忽歲聿暮踟躕整歸鞭馬
首一再回悵快後會慳瞬霎葛易魚雁迴漫漫我方
去吳楚聞君入幽燕江南媿依劉花縣竚迎潘天涯淪
落人形衰病淹煎秋夜爲此歌付之西巖看但知歌有
情遙恤辭多癡歌長辭已窮辭窮意未闌敝廬幸無恙

買棹明春旋長鏡披短褐躬耕浮邱山

信陽州 以所七首皆用杜韻

嘹嘹鴻聲南相偕如我謀來茲楚豫交千山懷一州蒼
烟漲天盡山瘦如悲秋日光淒以薄耿若初月幽牛羊
點遠野何處爲田疇亂水漾寒澌難可以名求躡冬忍
揭厲徒侶思方舟惴惴各慰藉艱哉歲窮遊沙飛蔽目
暗風悲落木稠自非老行邁置此將生憂暮色爭寸晷
西輪慘欲收冷店晚炊熟識我款我留戍角入雲散哀
鳥叫城頭孤檠照雙鬢影有輩流孰家又孰客終也
此生浮投牀得大鼻勞魂信悠悠

李家砦

眼從看山明登頓得忘苦幽村出山腹耕畬俗近古樵
徑引市通楚楚茅簷聚楂枌樹隱門藤蘿挂風雨山尖
四顧合寒月破窗吐淺深青幾疊可以支枕數天空霜
正繁白雁過夜午村醪不貸愁黑甜難徑取

會水嶺

高鳥奮疾下峭嶺摩雲端我行嶺西足東日高障寒哀
壑傳迅風征裘淒以單嶺前衆水滙浩浩怒生瀾遠遊
令人瘦自勸勸加餐嶺背有樵唱如歌行路難

廣水鎮

山市得淨好打圍嵐氣溼略約架溪危酒帘招客急清
瑤透長渠漁渡此小集烏糯飲膠牙白醅著灰澀倦甦
山家析宵坐興猶及撥火熨凍顏哀吟續猿泣

金口驛

習習江風平溫日滿帆席一葉溯寒潮孤興劇泛宅烟
中眼城郭卽目已郊僻偃卧書初開幸息久于役櫓聲
近耳靜鷺行過灘適戔戔大軍山長林布奇石松濤匝
岸清崖翠濃欲滴迎舟苦乞錢居僧老窮感古寺始何
代門鎖藥鹿跡渺渺翦江帆疾于鶻翻翩

羅山

聯縣赤土岡探江情有餘霜柳未飛葉寒媚態扶疎古
廟傳鐘磬早市爭鹽魚苦茆屋架竹齒齒高下居樵唱
意自得雞犬多閒舒今冬水落晚沙平溼未除湘頭接
漢尾豈少佳村墟奈何蠻蠻不解精林廬

蘆林潭

纖鉤墮寒潭澄波激金赤傍楫靡靡風山灘礧礧石一
鏡碧千頃清暉帶絕壁網罟聚千家醉歌誰主客從不
識城闔綠波間蹤跡生事一牒了悠悠謝驅迫曾見獨
隴子憔悴吟楚澤哺糟且啜醢我自適我適

雷岸謁麴令祠紀事

朝驀小孤山暮橫大雷岸舟輕等一匏風峭欹帆半轉
側昇刻間左右遮寒幔跌斜苦欠伸局縮廢櫺盪瞠眸
盼港汊暫繫速午爨揮箸得一飽復覲腰腳散踏岸面
颺颺意行殊衍曼背村路犂确穿林木皆灌荒涼古祠
存門掩溪光亂墮檐積燕泥蒼鼠拱几案土封三尺碣
文字亦漫漶掃壁尋遊題詩歌悉里諺競謂屈大夫曾
於此擯竄史冊浩無垠地誌良汗漫一卷秦中吟與人
充近玩老嫗尙解讀過目則何憚屈麴旣以湑古近遂
莫判無忌號信陵胡不并置讚一笑巾欲欹衣垢背貼
汗野店沽燒春掩篷撥爐炭

阻風用山蘆集中湯惠聯句韻

人憊困如瘡天慘畫疑夜靈鼈撼地軸陽侯命遠駕隔
岸盼烟火依蘆作鄰舍倒掣百丈勞斜停十幅卸波作
雷霆喧人語蠅蚋喑呼曹強嘲諧答歌足悲詫祈仙壺
可縮尙力募難借守株拙有見倖進媚無罅久甘汝南
癡詎赧淮陰勝怒恐爲我施禍竟將誰嫁咄哉書之空
嗔而嗔不頃溫盡思橄欖甘回喻藟蔗占靡恃杯琰悶
仍藉尊竿魄暗銀未磨宵良金不價

明日上元節

千計枉畫

脂一笑巧注瓦白雪融矮鑪紅淚滴高樺鼎欲顛倒扛
弓爭左右射當哦初忘飢藉糟遑計嚇觴政酷以理騷

同治庚午年
二
壇巖無赦駢案餓鸛開倒餅長河瀉風已三更縣興方
午漏乍偏師偶率出險陣豈遽罷未能勾踐忍終俟宋
襄霸規樵湯惠詞荒陋固莫化

冒雪訪靈皋留飲話舊

過江訪名流長衢磴春雪犖雙屐鳴灑裘見飄撇蕪
城記識君懷抱爲君竭淮陰復判袂離懷劇紛折日月
忽不居三年憂惛惛魚素一再通慰寄亦更迭歲寒一
寸心相期無作輟我汎楚江來相思腸百結今日叩君
門拜君謝久別隔牖竹風驚排簷冰溜咽圍爐話一燈
佳吐霏如屑

桐城戴褐夫筆如劒砥澠澠千萬言才大周羈縛懷
寧劉古塘五字妙綽約陶鎔漢魏間峻潔不蘊弱君嘗
評兩君愛其態磅礴無意附時賢有眼到古作充其筆
所至直欲無空濶鯁生抱痂癖枯吟窮鑿鑿摛辭乏精
英冥搜滯糟粕自顧意不强足供人嗚噓君獨謂不然
試學二子學胡不讀離騷三百再咀嚼排纂入妥帖纖
豔歸淡泊我初不子欺子無宿我諾

人生幾合并難可預期擬龔君主我久懷友念鄉里花
晨及月夕有歎不容已子時勉慰之君歸日可俟君歸
定念我與今念友似我安得好懷二友夢寐裏言之大

笑樂星霜速以駛我忽來江南對君念龔子龔君念二友此日增愁壘我將歸對龔語此還思爾君寧置二友相思復謀始山水自高長夢魂還尺咫人生幾合并天風蓬蓬耳

去秋徐行甫以夕字七疊韻詩見示愛其古潔幽雋欲屬和而未暇今丙戌元日獨坐寡歡偶次韻寫懷不必示徐也

晨光改歲朝爐火燼除夕忽忽老頭顱雙丸跳何劇家居厭俗囂兒女喧嘖嘖十年八在外茲晨最爽適古寺封寒烟閒門斷轍跡軒楹潔掃除書帙有倫脊滔滔人

海中幸此一弓僻梵放到耳頻斜風仍間隔枯吟偶會
心理從化人索蕭寂得盛情周旋謝殘客玉蛆儲甕久
臘味香乍坼

人日再次韻東行甫

居果大不易促刺謀朝夕賣賦不值錢窮極仍倦劇蒼
頭對廬兒隔面語嘖嘖一笑姑置之懷人心有適盈盈
一水間迢迢阻蹤跡晚風捲頑陰西山寒聳脊新月鑒
髮冷萬象皆荒僻徘徊抱孤影能不悵乖隔把杯孰與
酬吟思枉孤索首春日已人春光淡如客詰朝期訪君
雪泥凍初坼

與仝車同

四海競聲詩誰爲蓋代豪詰聲炫甫愈空疎矜韋陶時
或尙纖麗哀淫竊猿猱欲假溫李面無鹽強施膏攘臂
爭壇坫牛耳代遞操低顏貴人門殘肴恣老饕去年來
長安失意心忉忉漁洋去神武厭次墓木高目中無老
成不笑空號咷所幸識劉君高文難輩曹較量眼前人
惟君主風騷天授雄鷲材洪波釣連鰲一燈窮古今萬
類罔遁逃著述欲等身對人恒自韜天欲窮斯人白首
猶青袍計偕上 帝里古寺昏燈挑丙夜手一卷吟答
風騷冰漸結髭鬚塵榻埋雕尻訇然一語發壯如鳴

蒲牢我生初放曠二十形鑿糟譬田瘠不肥繁氣分落
蒿翦除借利器根蔓庶盡薶奈何鈍斧斤有力將空勞
望古無薪傳心肝日煎熬攢眉時苦吟纔比寒蟲號再
嚼味何有一笑還空螯劉君復見嗜君亦枉口褒僉曰
寧寒瘦肥膩憎時髦生能遘知己死不恨所遭市酤聊
可醉寒雨零山桃

暮春吳寶崖邀同人集章氏園限日字

旅食賤韶華困眠撥書帙誰解匡鼎頤自鄙方干膝不
知蒿沒階常疑窗就日初聞友喚遊豁如鼓愈疾騎馬
長衢來衝塵清境出邱壑自竊窺水木相明瑟掃開羊

求徑引入芸蘭室拂楊柳陰涼篩簾棟香密萍梗暢平

生騏驎競超軼高懷同澹蕩豪情並崢嶸盛駕竹林雙

能媿建安七次公亦醒狂

謂坐中不飲諸公

懷祖但真率

謂子自

黑甚半蠟蠶紅藥破繭栗滑走櫻桃圓脆翦蒲芽茁政

行曲流觴墨飛爭泚筆跋足空望塵麤才難縛律鈍甚

服箱牛匿深處禪蝨楊說項多情元儕白增恍坐已王

山頽歸怕金吾叱聊盡一日歡長同魚鳥逸

題顧俠君秀埜草堂圖

前歲客吳閫清駛風舶趨望中逋翁家興闌吾未到今

年住燕市磊落得同調示我行看子林泉精寫照溪路

轉幽閨烟蘿入窻窳鳥啼
若迎人花豔皆含笑柳下凭
藤輪竹邊沸石銚茅堂在佳處
鉤簾展清眺好景會萬
端一一領其要觀圖得長喟
佳景恨欲剽更聞主人翁
才名自年少哦詩饑不知
好客癖難療如雲集冠蓋傾
心有屠釣自從開此堂盛事
東南饒如今暫拋擲金門
來待詔職掌是詩篇明堂與
清廟此圖且藏弄等閒莫
首掉長讓山野人閒雲宿荒嶠

長句送舍弟歸里

枳籬瓦屋一圍水蜿蜒略約城
西隅老柳百株紛偃仰
繁菊爛熳敷瓊瑜瓜畦枕井豆
壓架棗枝當戶紅扶疎

蟹螯初肥菰韭碧十分秋色盈吾廬命不如人常坎壈
揶揄路鬼欺狂迂弟兄落拓走江外吳關楚塞長馳驅
吾家世德素溫飽耕讀豈復諳世途卽今人事屢遷變
放眼躡足皆榛蕪江頭送子乘秋去握手灑淚還踟躕
禿樹昏鴉號落日寒原敗葉吹酒壚負載書卷一羸牯
拚擋行李兩獠奴疲驢板橋踏霜月油燈山店啼夜狙
爾方歸娶成人列讀書力穡爲良圖安貧屏跡守環堵
莫以困頓增欷歔我昔裘馬快馳逐味比嚼蠟兼茹荼
病態盛糟滯天末風雨憔悴悲三閭魂夢故園草堂側
朋儕團坐傾醞醕酒酣耳熱儻相憶三歎鈍農盍歸乎

送過鶴言歸當湖

當湖逸客過鶴言人淡如菊才飛鷺骨瘦峻嶒健黃鶴
雅重之中風流存力扛龍文百斛鼎勢倒三峽傾詞源
前年把臂在燕市秋風共棹來湘沅僦屋相依又一載
酸齋冷粥足饔飧吾輩但爲文字飲陶陶永夕陪春溫
昨朝別我束書卷忽忽行色還故園我病浹旬扶不起
連宵風雨江聲昏望鄉亭子野烟裏絲絲柳色浮青尊
洞庭水打天破碎漂沒一點君山痕放眼揭袂一長嘯
雲擘絮從衣帶翻我夢此夜逐君去荻烟葭月招陸魂

倉頡廟

欲顯欲晦西日黃乍凸乍凹路羊腸蓬髻幾樹立偃僂
才于一衛行踰踉蹌兀不知何王殿蒼蘚一寸合古牆
勝題剝蝕昏莫辨碑石崩壞欹兩廂白晝陰森絕可畏
狐狸魑魅應潛藏堂上一人形貌異偉丈夫容王者裳
九尺之軀美鬚鬢睒睒四目含精光嶷如斷山凝不動
芒耀四射不可當何年曾作皇帝史雨粟泣鬼開天荒
結繩以前太朴略史籀而後偏精詳爰歷博學未失古
陳倉石鼓空紛張落潮大鳥創一格能事已極蔡中郎
魏晉以還楷法出姿媚趁入時世妝何如省事仍舊貫
是道其或足以臧汝州石刻卷第一二十八字何軒昂

真耶贗耶杳難溯但覺元氣塞混茫人生識字憂患始
余也於此多荒唐空階積土餘鳥跡縱橫絡繹分款行
得毋示我六義義低徊再拜心徬徨驚風忽起廟門閉
俄鴟飛下黃茅岡

武昌吳故都

炎靈四百劍璽遺鹿特龍戰分疆陞四世五公尸餘氣
名高俊及豚犬嗤治則能臣亂奸宄沛國孝廉才果奇
早識樓桑織履客英雄捨君與操誰南陽躬耕人忽起
涸魚值水風雲隨隆中一語自絕識江東有人何易窺
獅兒騰地氣蓋世睥睨叱咤非常姿霸功垂成付阿仲

任賢使能儼讓伊父兄事業新料理紫髯碧眼麾熊羆
一火赤鼻曹膽破回烽白帝劉家危襟吳帶楚幾千里
遙遙天塹險所基乘時乘圭僭裘霓飛樓崇堞開岩礪
賢豪濟濟侍帷帟士馬騁騁張鼓旗文章怕令子布見
曲詞誤有周郎知風流一時照江表六朝佳麗實創茲
再徙建業廢成蹟降幡一片波鳴悲未須卻正更詞費
底用徐盛空漣漣臣亦設座待陛下爾汝之歌差解頤
荒墟蔓草雄圖了天淡雲閒又一時

石鐘山

石鐘之山天骨異皴瘦透露凌崕峴上下屹立距百武

爭雄長如齊楚邦
嵌寶俯疑探蛟窟
嶄巖仰訝垂星杠
搏人陰森萬奇鬼
撩衣銛利千鋒鏦
眩神已入諸葛壘
緣身若舞都盧幢
窳壑有風撼地軸
遙空一線開天窗
我來見形神欲王
聆其聲也心應降
函胡清越桃花汛
嚼吮鞞鞞秋風撻
沙肥石涸不掩趾
微餘細罅流淙淙
韓公南岳蘇海市
將循例請真愚
煮萬石蒲牢於茲大
奈何將以寸莛撞
去路不能無餘戀
小舸危纜牽橫杠
千帆片片滿落照
一盞燄燄燒明釭
笥書快翻徧百卷
儲酒急倒盡半缸
酈元註古筆稱雋
眉山記好文無雙
拏舟絕壁興可遡
一梳殘月流空江

拜左忠毅公墓道

有明二百八十載神熹之際難具論泰運中否遘陽九
乾綱陵替風塵昏南牙政柄歸北寺師保不恥甘兒孫
桓桓高顧葉李繆兩周黃魏文萬袁東林君子自不少
其如天聽閉九閹刑餘羅織無遺策當陽鳴鳳絕攀援
犴狴一時修陰火囊頭三木哀血痕其間領袖推楊左
上追黨錮繼武蕃范滂有母見子死李固無女藏孤存
若垂星日照天地氣作河嶽彌乾坤大名定興與高邑
砮矟堆裏分璵璠畿內三忠犄角立狂瀾一葦隄奔渾
小子忝爲文穆後仰志先德帝弗諉兩過應山弔忠烈

龍眠今得窺牆垣山高水清西日瘦長松亂棘蒼雲屯

閩海偉人譜公節

神道碑爲黃石齋先生作

殘碑三尺纏藤根維先

少保尋公友泊先少傳出公門至今尺牘牢藏弄綢繆
廊廟千萬言景行仰止如神在小言詹詹媿莫捫烏尾
畢逋冷荒隧青林白月來忠魂

次韻贈劉太乙

春鳩穀穀啼隔巷槐陰濃過鄰牆蕩把書旋怪睡生魔
得友還欣瞽有相日長茗淡許過從月靜花晴遞酬唱
男兒何莫事疎脫客子尤宜省惆悵未云栖託得好佳
亦祇清修足爲暢委懷要是絕塵埃置身自可謝依傍

陋學空攀君子交才名久讓丈人行
陽翻老鐵跨茶陵
弔古從頭悽以愴我得公幹白首吟
何殊敬叔千斛餉
載筆方將值玉堂鼓枻只堪牽白舫
閒身欲侶李長源
謂年散人名愛陸魯望怡樂空輸山水間
勞苦差便廊上此生定分付支離此語何曾屬
謔浪若向江湖索
報書烟波大地鷗無恙

疊前韻贈日容

賣花聲偶到窮巷吟情欲逐蝶蜂蕩
不是言愁卽憶家
開口翻嫌乞兒相劉叉示我匠門詩
塵土中聞小海唱
忘餐不厭讀百回澗沃枯腸破惆悵
輦下論交什百輩

座上無君情不暢何遜久爲沈范傾

新城商邱

十五子外許

誰傍胡爲于我溷妍媸識顏早締陳雷行不嫌僑野氣
不除却憐鹵莽詞悲愴相期相聚省折簡一壺一盞便
村餉街塵那惜覓驢錢醉顛忽似乘吳舫瓦瓶芍藥香
正狂佛場境寂月初望談旨恰當支許間詩態突出元
白上文通才盡筆無花牙後腳根憑孟浪不眠一夜旋
枯螺知更煩君問無恙

疊前韻贈李牟山

卜鄰與君不隔巷一閣風鈴兩院蕩入門惟怕處俗僧
過殿何曾瞻色相簾垂清晝靜宜人睡起不聞午雞唱

騰踔豪情鬱怒才詎關兒女子惆悵對君直若飲醇醪
融入四肢得酣暢知我能勝我自知齊魯肯容邾莒傍
相憐且莫擬夔蛇終慙踽踽行行將軍污尼乃敢嗔
醉尉罵人空悲愴殘杯冷炙謝侯門胡萸澤蒜甘野餉
板壁疎櫺老衲居疑是牽來岸上舫卧將白眼看時流
未必成仙皆脉望無可奈何夷惠間儘有襟情懷葛上
與天執拗費商量一葦洪濤衝巨浪匡山頭白好歸來
短衣匹馬應無恙

疊前韻贈顧俠君

門才藉甚烏衣巷九霄健翮扶搖蕩荆璞難教時匠知

渥駟枉就圉官和千秋業早著名山不隨浮世淫哇唱
高山石鼓陣堂堂作鄭無人苦惆悵拚將歲月付雕鏤
釐正分拏得清暢郊島藉湜李習之如與周旋日相傍
功臣寧獨讓蘇門矯矯武子同輩行我生識字愛硬語
飛霞誰乞空悲愴得佳槩本勝指南刮眸去翳謝奇餉
暮觴老屋插架書曾自江南載連舫何當歸去屏塵氛
蠡測管窺差可望經年只似賈胡身鴻爪深留雪泥土
節迎重午杏垂金夢到鄉園麥吹浪虎頭曾否我同心
厨畫餽題可無恙

疊前韻贈龔孝水

記否借棲鐵獅巷清波十晦烟光蕩榆柳荒廬卽野人
兒僮里諺傳承相古屋三間西牖明秋花一院寒蛩唱
澆書酒綠快淋漓聽雨燈青坐惆悵睡來毀茗致復佳
畫裏論詩理能暢布執青鞵興欲闌隱囊塵尾閒須傍
狂嫌阮藉涉支離嬾笑嵇康有輩行棋爭一劫亦足欣
史閱千秋半多怕畦蔬旋翦晨露香塘魚出網晚盤餉
夕陽留客倚孤亭夜色催人上輕舫橫笛短簫恰解隨
小月高山如在望好景潛消醉醒間塵勞忽夢蓬瀛上
也知 帝里居大難何事天涯跡同浪眼前遊玩別升
沈况論草木能無恙

疊前韻送王秋史歸濟南

流泉鋪地柳成巷水光倒浸山光蕩百年遞授到詩人
一亭舊屬棠川相清泉白石都拋置來啖紅綾聽臚唱
莫矜小鳳好頭銜猿鶴相識夢惆悵朝來鄉思見新文
舉舉歸學達夫暢眼中之人少似君逸態真堪魚鳥傍
數篇吟老不知貧男兒行處是行行心持一瓣南豐香
淚含幾度西州愴謂德州公城南蘭若棗花殘枕簟茶瓜留
客餉話到故園墨露香開尊正駕義鯉舫秋史云濟南夏酒名墨露
德水鯉如玉亦夏出我聞歸人述歸樂饑食肉糜何敢望旅魂直
欲逐君飛廿四泉邊佛巖上風簾吹牀林弄簣石雨濺

窗硯鳴浪屋埋黃葉一燈青看君細詠泉無恙

疊前韻寄柯南陔

學士湖波接竹巷

張樸園學士客楚州之湖上閨門一

闌門一

澄清光蕩烟霞結習好樓居何人識得神仙相溷塵時

復出新吟流入采蓮女兒唱天公怪汝釣物情罰住名

場暫惆悵紛華城裏有丹邱敝帚千金聊寄暢

南陔集名丹邱

敝帚怡情寫作鍊藥圃與我周旋只我傍今年隨衆走長

安閒踏踏歌尋輩行我生常骨排頑軀形槁心灰步含

愴熊經鳥伸青未諳欲就君分麻姑餉執鞭賤役定不

辭亟須攜上竹葉舫胡爲掉頭不肯住烟霧東溟空所

望安得解脫御列風雲眼追君滄海上虛無有路回雲
車龍鬪長空狎高浪釣竿寸寸碎珊瑚詩卷人間永無
恙

疊前韻憶舍弟爾長鄉居

碌碌春園桑柘巷捫腹披襟日嬉蕩舊畜黃犬識客馴
新買烏犍就醫相南天雷動聒農歌西疇日落聞樵唱
耕烟釋月費斟酌量雨占晴亦惆悵一年之計一身勞
十斛纔收十口暢睨他兒女索果隨約得村翁結鄰傍
甕泥旋圻雜清濁少長開顏略輩行新聞縣令斷如神
故典中郎孝堪愴黃瓜留伴黍稷筵紫樵檢附硃符餉

安步能勝款段馬駕險正怕鴟夷舫渭川千戶願何奢
鄉里善人名過望夏糧秋稅吏不來飽飯酣眠策最上
粗知律已免郎當不敢勸人從漫漫棄家行腳噉名人
十丈塵中可無恙

虞道園硯歌爲李後圃作

人生隨地擇術先第一計左耕石田迂疎可笑蔡洪語
欲將元默祈豐年萍妃有靈呼不應豈關人事未盡虔
聚心蘭藥作供養二螺九子供周旋區區瘦瘠祇一畝
窮人不怕愛逾專佳話自古可勝計贈貽攘奪紛駢闐
庾翼捧來蚌矜好陶穀碎後魚堪憐書生癖不異今昔

千年遞授謗流涎
簪齋吟几一古物
綺文縠理溫而堅
金星眉子不敢侶
水舷角浪難比肩
攜久磨多未暫捨
鋒稜雖缺形猶全
背銘舊主人姓氏
記曾相識湘江邊
下雋城中客春客
乾明破寺參枯禪
豐碑偉立半剝蝕
伯生老手揮如椽
想見當時君被寵
學古錄助成千篇
問君今日又何幸
流落得主寧非天
道園後圃名輝映
老吏何敢攀謫仙
我病牢愁棄泓穎
墨藩乾漬支頭顱
置爾閒處爾厚福
玉堂新樣看先穿
窗明几淨日卓午
飽聽鼻息如雷眠

題宋姜銘郡丞鷗邊洗琰圖

人生至樂惟田廬宦成栽種計已迂倉皇百金買不得
坡公詩語良非誣商邱公子太瀟灑鷗邊舊業傳新圖
古梅百本恣竊窕蒼筤萬个吹笙竽層軒四面竹聲裏
老屋一片花光扶書籤畫本裝潢好湘牀斐几織埃無
逶迤引人最佳處古藤纏絡柏不枯臨淵據石趺坐者
胸有遐寄美丈夫目逐輕鷗汎容與神怡流水情閒愉
髡童黠慧解人意要是阿段青猿徒大小琰得十餘器
柴汝官哥定名殊沿流淨洗洗更再主人未始煩指呼
千堆遙翠白鳥破一灘細穀斜陽鋪如花好景那易見
展卷使我空踟躕三椽舊曾傍水結今年想像應荒蕪

君方佐郡遠鄉國我亦索米羈通都何堪京石擾夢寐
盡中聊復爲懽娛

和杜甫杜位宅守歲

寂寂老僧家寒燈慳作花年光磨鬪蟻生事笑塗鴉街
鼓初聲急簷風一縷斜朝來有鄉訛怪我戀天涯

和羅隱除夜

客餽房山酒相依小弟傾燕將新歲火坐徹去年更春
好歸應遂歌狂憤漸平傲他騎馬客列炬入承明

懷李東臯

燕市衝泥別青楓白雁天西風梁苑騎涼雨秣陵船

時東

臯之中州江月悲湘瑟春山老杜鵑懷人如有意一櫂
予之白下
洞庭烟

送陳秋田之官荔浦

斜日寒山路行軒起細塵情攀薊門柳目送荔江春墨
綬迎仙令金臺失酒人玉溝頻悵望六六寄書鱗

送客春明外離情日向西冬迎桂嶺盡月到楚江低荔
子千頭熟蕉花十丈齊黃紬散衙鼓先試巡郎啼

出都

又整還鄉旆依然十月中寒雲膠復動野水凍旋融瘦
馬穿黃葉高鴻怨朔風春明重回首牢落意無窮

上巳日家叔舍弟小園讌集言別

平池高柳晚棲鴉
白羨勞筋暫息家
草草杯盤過上巳
忽忽行李又天涯
半生愼著他鄉句
兩載空辜故國花
骨月開顏莫容易
村伶舞徹鼓三撾

粉榆風物足安恬
來去誰教突不黔
人自耽愁同衛玠
僕何多恨似江淹
文迂乍可書驢券
馬鈍猶知駐酒帘
藥裏縱橫伴泓穎
奚囊一字未曾添

憶湖南舊事再寄元叔

已公屋下禮慈雲
幽唄時從竹裏聞
牆外山光晴疊嶺
檻前湘色淡拖羣
栗留靜似迦陵囀
簷蔔香疑優鉢熏

共笑清齋連水厄幾多佳話袂輕分

北行辦裘

怱怱去意不容遮又束牛腰書滿車
春色闌過穀雨節小園放到鼠姑花
十千慣買他鄉醉一種難拋此日家
蕭寂空齋成久坐竹風敲戶月初斜

夜坐

風雨江城老客思雁聲誰遣到書帷
半生腹笥容澆酒一寸眉峰正鬪詩
螢亂疎簾窺瘦影月低秋水照吟髭
槐花吹落知多少打向空階不住時

九日

孤城砧杵亂寒蟬獨倚西風數雁行九月江濤催客鬢
兩年藥裏伴重陽傾瓶桑落三升碧鋪徑槐花一寸黃
不用登高舒倦眼感時王粲久懷鄉

病起雜詩示遺安公錫雲生諸子

當筵鮑老笑郎當阮籍雖貧未減狂身世塞翁悲失馬
文章列子說亡羊楸枰且作觀時局紙帳翻傳獨醒方
栩栩讀殘齊物論漆園久已混彭殤

慷慨悲歌酒一尊消磨壯志幾分存赤苓白朮新朋輩
紅袖烏絲舊夢魂厭與惡賓摹漢隸喜聽弱弟背齊論
日晴卽算揚眉日絮被高攤曬竹軒

百泉坐月懷友

新雨蘇門展翠屏
閒雲淡盡露泠泠
月沈波去千九白
樹到樓中一嚙青
風外孤飛螢寂寞
尊前瘦影蝶伶仃
故人今夜清光共
定倚萍灣柳下亭

潭勝渡漳河

春寒料峭到鞭絲
人耐風威馬耐飢
聒耳河聲潭勝口
夕陽喚渡記年時

邢州懷張九丰秦中

裙聯野寺杯無算
別話秋齋燭再燒
張緒風流今不見
一株楊柳弄春條

風聲淅瀝雨聲柔客裏風光淡似秋誰道相思難寄與
邢州有夢接涼州

淇門

柳絲瑟瑟水粼粼亭短亭長烟外村馬上冷吟如中酒
黃梅細雨過淇門

合肥

港上寒禽比翼行港頭拱樹接柯生迢迢淝水東流去
不及廬江小吏情

國朝畿輔詩傳卷二十七終